

Zeitschrift: Il glogn : calender dil pievel : annalas per historia, litteratura e cultura romontscha

Band: 9 (1935)

Vorwort: Al lectur

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 04.04.2026

ETH-Bibliothek Zürich, E-Periodica, <https://www.e-periodica.ch>

Al Lectur

Car Glogn, cu ti eis naschiis eras ti pignets e fallomers e tut carteva, che ti detties si il spert in bi di e mondies ellas caglias. Gie, ti eras ton-danavon trebels, che buns amitgs e vischins han giu compassiun cun tia miseria e fatg amogna de pagar il caluster per las breigias, en cass ch'ei dessi in barett.

Mo plauntiu eis ti serefatgs e revegnius in techet, ed oz eis ti in frestg e curaschus mattet de 9 onns. Perquei drovas ti nuota stender il culiez; vegliadetgna persula ei negin meret e prestau has ti nuota tanientas mahoias. Denton, risguardau nies temps de miserias, sas ti silmeins selegrar d'esser mitschus culla veta, pertgei ch'ils pli emprems onns de tia veta eis ti staus in compogn malvesius e terriblas caussas malvegnius. Buca sesmervegla de quellas novitads! Perfins tiu aug, Gieri Giusep, il pign, ha de sias uras profetisau tia fin, e quei bunamein avon che ti entscheivies a dar las combas scoiauda. Teidla tgei lez ha scret avon siat onns en ina brev sur de tei: „... Il Glogn ei in affon illegitim dil romontsch e vegn speranza en cuort a dar cullas combas ensi. La cuolpa s'el sez. Pertgei ha'l buca priu per padrins gl'aug Mistral, ni l'onda Assistentia per madretscha? Sas ti buc, ch'ins sto haver cua ozildi sin tuts mauns, sch'ins vul viver e vegnir vinavon? Basta, quei buc emblida: Ti has fatg ina immensa tuppada de buca dumandar l'approbaziun dils „papas romontschs“, e perquei vegnas ti en cuort a vegnir scungiraus tochen giu funs gl'uffiern; sas giu leudem el tschaler de glatscha spel padrins dellas mattauns. Apage, apage, Satanas!“

Jeu hai stuiu rir sullas profezias e smanatschas digl aug Gieri, il pign, mo empau raschun ha'l tuttina giu. Ils emprems onns has ti giu de schuffa, mo ussa eis ti in frestg mattet de nov onns e buns sin comba. Ti eis pia vegnius sin quella vegliadetgna sin moda e maniera pauc enconuscenta e honorifica, ed has perquei negina raschun d'alzar la testa.

Mo jeu ví calar cun tia cuorta historia e ditgel a tí mo ton: „Va vínavon curaschusamein tia vía ed hagies en égl nuot auter che la ver Paid, adina la ver Paid e la buna veglia de prestar zatgei en uorden per patria e pievel e lu sas tí esser satisfatgs, era sche tí duessas daventar cheutras malvesius ed acquístasses il cuntrari della aschi desiderada vertid de tuttas publicaziuns: *popularitad*.“

Fas tí quei, sche vegnas tí a vegnir pli e pli ferm cun viver. Ed en cass de mort anetga, sas tí seconsolar cul pertratg, che negin stetti mal per tei. Sche va pia cun Díu e delectescha tut tes amitgs — ed era ils inimitgs — va tier tuts en vitgs ed uclauns; gie, va è siden ellas aclas ed uclivas e peglias tí in catsch e vas alla finala tochen sisum las alps, jeu crei ualvess che la fumeiglia betti tei ella fueina.

Uonn ei il Glogn fetg variants ed ha sedau breigia de porscher buna lectura. Ils colaboraturs ein per part ils vegls. Uonn ha ei dau ina pintga mo emperneivla midada pertenenent igl exteriur de nies Glogn. La nova scartira della cuviarta ei vegnida dessignada da sgr. *Gieri Cantieni* de Schlans. Nus essan segirs che quella vegn a plascher a tuts. Sur *P. Goldman* ha rimnau scazis en Lumnezia cun tutta premura, e porschiu quels cun entusiasmus als lecturs e lecturas dil Glogn. Davos igl O grond sezuppa humiliteivlamein in poetin, ch'ei per els ventgin, mo che vegn segiramein a daventar in poet, e che vegn era en cuort a delectar nos lecturs buca mo cun poesias, mobein era cun *novellas* ed outras lavurs. Sin el havein nus la pli gronda speranza, buca mo pil Glogn . . . Possi nossa profezia secomplenir!

Redacziun ed Ediziun.